

Plan de actuación 2022

Fundación Olga Gallego

04/12/2021



Contido

1.INTRODUCCIÓN.	3
2. ORZAMENTO DA FUNDACIÓN PARA O ANO 2022	5
3. OBXECTIVOS	7
4. ACTIVIDADES	7
4.1 Publicación en papel das Actas do III Encontro Olga Gallego de Arquivos	8
4.2. Celebración das IV Xornadas Olga Gallego de Arquivos	8
4.3. Colaboración co Grupo Marcelo Macías de colaboradores do Museo e Arquivo Provinciais de Ourense.	8
4.3.1. Publicación en papel dun novo número do Boletín Auriense.	8
4.3.2. Publicación en papel doutro anexo do Boletín Auriense.	9
4.4. Difusión web da Fundación e das súas actividades	9

1.INTRODUCCIÓN.

A Fundación Olga Gallego, con Número de Identificación Fiscal G70402698, constituíuse na Coruña o día 24 de febreiro de 2014 por escritura pública outorgada ante o notario don José Manuel Lois Ponte, do Ilustre Colexio de Galicia, por dona Pilar Gallego Domínguez, irmá de Olga, e don Pedro López Gómez, que é presidente vitalicio dela.

A Fundación, que ten a súa sede na rúa Rosalía de Castro 13, baixo, 15004. A Coruña, foi dotada cun capital inicial de 200.000 € (douscentos mil euros) e persegue os seguintes fins:

- A protección, defensa e fomento dos Arquivos e do Patrimonio documental de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento da investigación sobre Arquivos e documentos de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento e estudo da Arquivística.
- O fomento da formación dos profesionais dos arquivos.

Para a consecución destes fins, e de acordo co artigo 7 dos seus Estatutos, que constan anexos á escritura fundacional, a Fundación pode realizar as seguintes actividades:

- a) Organizar congresos, xornadas, exposicións e certames sobre temas de interese para os arquivos e para os profesionais dos arquivos.

- b) Organizar conferencias, seminarios e outras actividades encamiñadas á difusión e ao coñecemento dos arquivos e do patrimonio documental
- c) Establecer comisións e grupos de traballo que realicen investigacións, estudos, enquisas e proxectos relacionados cos arquivos e os profesionais dos arquivos.
- d) Favorecer a investigación científica e técnica sobre arquivística, arquivos e documentos.
- e) Organizar premios de investigación en materia de protección, fomento e defensa do patrimonio documental, ou calquera outro aspecto relacionado coa arquivística e os arquivos.
- f) Editar traballos sobre arquivos e patrimonio documental
- g) Organizar cursos e outras actividades formativas relacionadas coa arquivística e cos arquivos.
- h) Crear canles de comunicación con institucións relacionadas cos arquivos e cos profesionais dos arquivos
- i) Así como calquera outra actividade de natureza análoga ás anteriores

A Fundación poderá realizar actividades económicas que teñan por obxecto o cumprimento dos fins fundacionais, ou sexan complementarias ou accesorias das anteriores, con sometemento ás normas reguladoras da defensa da competencia.

A Fundación foi clasificada de interese cultural para os efectos da súa inscrición no Rexistro de Fundacións de Interese Galego por Orde da Vicepresidencia e Consellería de Presidencia, Administracións Públicas e Xustiza da Xunta de Galicia, adscribíndose ao protectorado da Consellería de Cultura, Educación e Ordenación Universitaria por Orde do 28 de maio de 2014 (DOG núm. 118 do 23 de xuño de 2014). Por Resolución do 30 de xuño de 2014, da Secretaría Xeral Técnica da Consellería de Cultura, Educación e Ordenación Universitaria, declarouse de interese galego e ordenouse a súa inscrición no Rexistro de Fundacións de Interese Galego (DOG núm. 132, do 14 de xullo de 2014).

De acordo co artigo 12 dos seus Estatutos, a Fundación está composta por un padroado, constituído polas seguintes persoas:

D. Pedro López Gómez. Presidente.

D^a María Dolores Pereira Oliveira. Vicepresidenta.

D. Gabriel Quiroga Barro. Secretario.

D^a Isabel Buján Bernárdez. Vogal. Representante da Asociación de Arqueiros, Bibliotecarios, Documentalistas e Museólogos de Galicia (BAMAD-GALICIA).

D^a María del Mar García Miraz. Vogal.

D^a Olimpia López Rodríguez. Vogal.

D^a Minia Martul Tobío. Vogal honoraria.

2. ORZAMENTO DA FUNDACIÓN PARA O ANO 2022

Para a realización das súas actividades, a Fundación aprobou na súa xuntanza do día 15 de decembro de 2021, o seguinte orzamento:

CONCEPTO	INGRESOS €	GASTOS €
Ingresos financeiros:	0	0
Gastos financeiros	0	155
IV Xornadas Olga Gallego de Arquivos	500 ¹	13.000
Axudas e subvencións	6.243,72 ²	0

¹. Cálculanse 50 matrículas de pago sobre unha previsión de 100 asistentes, a 25€ cada unha. Do total recadado, a Fundación Olga Gallego percibiría un 40%, que é a súa cota de participación nas Xornadas.

CONCEPTO	INGRESOS €	GASTOS €
Gastos xestoría	0	300
Publicación do Boletín Auriense (Convenio co Grupo Marcelo Macías de Colaboradores do Museo e Arquivo Provinciais de Ourense)	0	5.900
Publicación dun novo anexo do Boletín Auriense (Convenio co Grupo Marcelo Macías de Colaboradores do Museo e Arquivo Provinciais de Ourense)	0	4.000
Publicación en papel das Actas do III Encontro Olga Gallego de Arquivos.	0	4.500
Tributos e taxas	0	397
Outros gastos	0	105,80
TOTAL	6.243,72	28.357,80
Balance ingresos-gastos³	-22.114,08	

² . Inclúese o importe da subvención concedida pola Deputación Provincial da Coruña para a celebración do III Encontro Olga Gallego de Arquivos e o 40% doutra posible, de semellante importe, pola celebración das IV Xornadas de Arquivos Olga Gallego.

³ O balance do ano 2020 foi de -7.786,57 € e o de 2019, de -20.311,14 €

Xa que logo, con excepción dos ingresos de inscricións e as posibles axudas de patrocinadores e de subvencións de Administracións Públicas ao III Encontro Olga Gallego e ás IV Xornadas Olga Gallego non están previstos outros ingresos ordinarios.

3. OBXECTIVOS

Para o ano 2022 prevese avanzar na recuperación das actividades que a pandemia do COVID-19 obrigou a aprazar, para así dar cumprimento aos fins enunciados nos estatutos da Fundación a través do desenvolvemento e consolidación das súas actividades divulgativas, da celebración dunhas novas xornadas e do impulso de actividades en colaboración con outras entidades.

4. ACTIVIDADES

Así pois, o plan de actividades para o ano 2022 comprenderá o desenvolvemento das seguintes accións: 1. Realización das IV Xornadas Olga Gallego de Arquivos en colaboración coa asociación BAMAD-Galicia, entidade ligada á Fundación. 2. Publicación en papel das Actas do III Encontro Olga Gallego de Arquivos, celebrado no ano 2021 e xa editado en formato electrónico, en liña, no sitio web da Fundación. 3. Publicación, xunto co *Grupo Marcelo Macías de colaboradores do Museo e Arquivo provinciais de Ourense*, dun novo número do Boletín Auriense e dunha monografía na serie *Anexos do Boletín Auriense*. 4. Difusión das actividades da fundación a través do seu portal web e das redes sociais nas que participa (Facebook e Twitter).

Preténdese concluír todas estas actividades no transcurso do ano, de acordo co seguinte calendario provisional:

Actividade	Data de realización/finalización
Publicación en papel das Actas do III Encontro Olga Gallego de Arquivos	Xaneiro-febreiro 2022

Actividade	Data de realización/finalización
Celebración das IV Xornadas Olga Gallego de Arquivos en colaboración con BAMAD-Galicia	Abril 2022
Publicación dun novo Anexo do Boletín Auriense	Xuño 2022
Publicación dun novo número do Boletín Auriense	Setembro 2021
Difusión web da Fundación e das súas actividades	Todo o ano

4.1 Publicación en papel das Actas do III Encontro Olga Gallego de Arquivos

Celebrado con éxito o III Encontro Olga Gallego de Arquivos en formato virtual en catro xornadas (xoves) entre o 27 de xuño e o 10 de maio de 2021, e publicadas as súas [actas](#) en liña no sitio web da Fundación, pretendemos editalas agora en formato analóxico. Publicaranse dentro da serie “Anexos do Boletín Auriense”, no marco do convenio asinado no seu día co *Grupo Marcelo Macías de colaboradores do Museo e Arquivo provinciais de Ourense*.

4.2. Celebración das IV Xornadas Olga Gallego de Arquivos

Adiadas por segunda vez a causa da pandemia, preténdense celebrar agora os días 1 e 2 de abril de 2022, en colaboración coa asociación BAMAD-GALICIA. Terán como tema central a perspectiva de xénero e as políticas relacionadas cos centros culturais. Desta forma, as IV Xornadas Olga Gallego ampliarían o seu obxecto para acoller tamén o ámbito de actuación daquela. É dicir, non só os arquivos, senón tamén as bibliotecas, os museos e os centros de documentación.

4.3. Colaboración co Grupo Marcelo Macías de colaboradores do Museo e Arquivo Provinciais de Ourense.

4.3.1. Publicación en papel dun novo número do Boletín Auriense.

Será unha das actividades en que se concrete o convenio marco asinado no seu día co Grupo Marcelo Macías de colaboradores do Museo e Arquivo provinciais de Ourense. Será o volume 51, con contido misceláneo de 200 páxinas.

4.3.2. Publicación en papel doutro anexo do Boletín Auriense.

Posible publicación doutro anexo, igualmente no marco do devandito convenio.

4.4. Difusión web da Fundación e das súas actividades

A Fundación continuará a difundir de forma periódica as súas actividades a través do seu sitio web (www.fundacionolgagallego.gal) e das contas que abriu nas redes sociais (Facebook - <https://www.facebook.com/fundacionolgagallego-> e Twitter- <https://twitter.com/olgagallegofund->).

A Fundación xa ten unha presenza consolidada nas redes sociais.

A Coruña, 15 de decembro de 2021